



Pou Piblikasyon Imedya: 20/07/2022

GOUVÈNÈ KATHY HOCHUL

## GOUVÈNÈ HOCHUL ANONSE BOUSYE LUMINATE NEW YORK, OWL AI PRAL DEVLOPE OPERASYON LI NAN KONTE MONROE

*Konpayi Imajri Otonòm lan ap deplase nan novo espas li nan Komin Perinton;  
Angaje pou kreye plis pase 100 novo djòb*

*Envestisman an ap konplete inisyativ "Finger Lakes Forward" lan – ki se estrateji global reyon an pou revitalize kominate yo ak devlope ekonomi an*

Gouvènè Kathy Hochul te anonse jodi a ke bousye Luminate New York OWL AI ap devlope operasyon li nan Konte Monroe nan komin Perinton, k ap angaje pou kreye jiska 105 djòb wot teknoloji nan reyon an. Pwojè a ap obsève konpayi imajri otonòm lan demenaje nan yon etablisman ki pi gran ki sitiye nan Willowbrook Office Park, ke yo prevwa k ap operasyonèl nan sezón otòn sa.

"Ekspansyon OWL AI nan reyon Finger Lakes ilistre kijan envestisman ki sible nou yo nan inovasyon te transfòme ide inovan antreprenè briyan yo an novo djòb ki kreyatif k ap ranfòse ekonomi nou yo," **Gouvènè Hochul te deklare.** "Mwen pa ka tann pou wè lòt konpayi Luminate NY pou tabli rasin yo nan Konte Monroe, k ap dirije kwasans ki ekstraòdinè epi fè ekonomi Finger Lakes la vanse pou pi devan."

"Pwogram devlopman ekonomik New York yo se pwogram ki pa sèlman fè novo konpayi demare epi fè Nouyòkè yo tounen travay, men jan nou wè nan ka OWL AI, ede konpayi ki reyisi yo devlope," **Gouvènè Adjwen Antonio Delgado te deklare.** "Pandan n ap obsève plis djòb k ap ogmante, devlopman ak opòtinite, n ap wè plis nan jèn nou yo rete isit la nan New York pou travay epi leve fanmi yo."

Luminate NY, ke NextCorps administre, se pi gwo akseleratè biznis pou konpayi k ap emèje ki genyen teknoloji optik, fotonik, ak imajri. Empire State Development ap bay jiska 750.000 milyon dola atravè pwogram Kredi Taks Excelsior pou Travay la an echanj pou angajman kreyasyon travay pou senk ane k ap vini yo. Depi kreyasyon li, Luminate NY te envesti 13 milyon dola nan 52 jèn konpayi.

OWL AI se te yon finalis faz kat nan konpetisyon biznis Luminate NY la, ki te genyen 250,000 nan finansman swivi, epi ki te finalize yon faz finansman 15 milyon dola Seri A. Owl AI ki te fonde an 2018, te devlope yon modalite detektè pou veyikil otonòm ke yo

rekonèt kòm Telemetri tèmik 3D molekilè ki amelyore sekirite pyeton anpil pou diminye aksidan epi sove lavi. Detektè Sistèm Èd pou Konduit Otomatik aktyèl yo jeneralman konpoze ak kamera ak rada ak limyè vizib ki depann youn de lòt. Lè youn nan detektè sa yo vin pa efikas, de seri detektè yo an antye vin pa efikas tou. Senaryo sa rive souvan lannwit ak nan move tan.

Pwodui Owl yo kapab minimize risk aksidan lè li jenere kapasite pèsepsyon 3D pou otomobil, kamyon ak bis lè li pèsonalize imajri tèmik wot definisyon ak aplikasyon entelijans atifisyèl ki baze sou algorit vizyon enfòmatik. Algorit sa yo itilize done sa yo apre sa pou pwodui nyaj pwen, iltra dans, twa dimansyon, jiska 150x LIDAR, ansam ak klasifikasyon objè ki wotman rafine pou deteksyon, idantifikasiyon ak lokalizasyon pyeton, siklis ak bêt.

**Ko-Fondatè OWL AI ak PDG Charles Gershman, te deklare,** "Rasin Owl lye byen fon ak Rejyon Greater Rochester ak pou pwofite de resous rich ki egziste nan kapital imajri nan mond lan Nouvo etablisman nou an kontinye angajman nou pou devlope Konte Monroe. Sipò Luminate NY ak Empire State Development te ekstraòdinè nan ede Owl AI pozisyonе tèt li pou kwasans k ap vini de kapasite transfòmasyon nan mache transpò a."

Angajman OWL AI nan Konte Monroe sipòte siksè Konpetisyon OPI Luminate NY pi blis. Konpayi ki nan pòtfèy la te leve yon 113 milyon dola siplemantè epi yo genyen yon estimasyon kombine apeprè 400 milyon dola. Nan kad pwogram akselerasyon mondal la, anpil konpayi k ap patisipe ap etabli operasyon Ameriken yo oswa kèk aspè rechèch ak fabrikasyon nan rejyon Rochester a — ki kontinye episant endistri OPI la nan Amerik Dinò. Sa te abouti nan kreyasyon 133 novo djòb nan rejyon an, ak yon lòt 45 pozisyon ki ouvè aktyèlman.

**Direktè Jeneral Luminate NY la, Sujatha Ramanujan, te deklare,** "Owl AI bay egzanp yon konpayi k ap emèji nan Rejyon Finger Lakes la k ap devlope teknoloji revolisyonè ki itilize optik ak semikondiktè. Konpayi an ak ekip li byen pozisyonе pou fasone avni imajri veykil la."

**Prezidan, Direktè Egzekitif Jeneral ak Komisè Empire State Development Ian, Hope Knight, te deklare,** "Ekspansyon kontini OWL AI a nan Finger Lakes la mete aksan sou siksè envestisman estratejik Eta New York nan teknoloji avanse yo, epi etabli Rochester pi plis antanke yon lidè mondal nan optik, fotonik, ak imajri. Bousye Luminate NY sa, ap devlope teknoloji transpò pou pwochèn jenerasyon an, se yon bon egzanp sou kijan konpetisyon biznis nou yo ap atire konpayi premye plan k ap kreye djòb epi estimile kwasans ekonomik rejyon an."

**Senatè Eta, Samra G. Brouk, te deklare,** "Estrateji Finger Lakes Forward Eta New York la ap kreye travay ak opòtinite ekonomik pou fanmi nou yo pandan y ap pozisyonе rejyon nou an pou ekonomi wot teknoloji alavni an. Mwen fyè pou fè pati envestisman Eta yo ki estimile ekonomi nou an epi bay djòb ki byen peye pou travayè nou yo atravè pwodui ki kreye yon mond ki pi an sekirite epi ki pi bon."

**Senatè Eta a Jeremy Cooney te deklare**, "Mwen kontan pou akeyi ekspansyon OWL AI antanke yon motè ekonomik ak yon founisè teknoloji inovan nan rejon nou an. Antanke otè lejislasyon ki vize kwasans veykil otonòm ak sekirite nan sena a, mwen rekonesan pou pwodui ki diminye risk OWL AI yo pou opòtinite nouvo etablisman yo a prezante bay Greater Rochester ak pi lwen. Mèsi Luminate NY, Empire State Development, ak Finger Lakes Forward pou patenarya yo ak sipò pou revitalize kominote yo epi kreye travay."

**Manm Asanble Jennifer Lunsford te deklare**, "Kwasans OWL AI antanke yon konpayi epi ekstansyon li nan Perinton se yon istwa siksè Luminate NW! Sa se egzakteman poukisa nou envesti pou ede konstui sektè teknoloji nou an isit la nan Finger Lakes. Konpayi k ap emèje nankou OWL AI ap konstui anprent yo isit la nan Konte Monroe ede nou konsève estati nou antanke kapital Optik mond lan!"

**Manm Asanble, Harry Bronson, te deklare**, "Rochester te apiye imajri epi sa bon pou wè ke Owl AI ap kontinye tradisyon ekselans sa ak ekspansyon yo nan Komin Perinton. Antanke yon bousye Luminate NY, Owl AI ap kreye travay ki byen peye pou fanmi nou yo epi enspire kwasans isit la nan Konte Monroe. Antanke Prezidan Komite Developman Ekonomik lan, mwen kontan anpil pou wè avansman Owl AI ap fè nan mache transpò a ak enpak ekonomik y ap genyen isit la lokalman. Felisitasyon epi mèsi dèské ou envesti nan rejon nou an."

**Chèf Egzekitif Konte Monroe a, Adam Bello te deklare**, "Eritaj rejon nou an kòm piyonye nan optik, imajri, ak antreprenarya pi plis toujou jodi a ak envestisman Owl AI la nan kominote nou an — epi ankò yon siy ekonomi Konte Monroe a ap pwospere nan yon mond apre COVID. Mesi Gouvènè Kathy Hochul, Empire State Development ak Owl AI pou angajman nou nan avni ekonomik Konte Monroe."

**Sipèvizè Perinton, Ciaran Hanna te deklare**, "Felisitasyon ak OWL AI pou ekspansyon yo nan Komin Perinton. Nou kontan pu wè konpayi inovan sa kreye djòb lokal epi fè avansman nan sektè otomobil la pandan y ap travay pou fè wout yo pi an sekirite pou tout moun."

**Prezidan ak Direktè Egzekitif Jeneral Chanm Komès Greater Rochester a ak Ko-Prezidan Konsèy Developman Ekonomik Rejyonal Finger Lakes la, Bob Duffy, te deklare**, "Greater Rochester rete devan nan teknoloji imajri ak ekspansyon Owl AI nan Komin Perinton. Konpayi inovan an ap ede fasone avni transpò a, pandan l ap envesti isit la nan rejon Finger Lakes la. Nou felisite pwogram Luminate NY NextCorps ak Empire State Development dèské yo sipòte kwasans Owl AI nan Greater Rochester epi nou felisite ko-fondatè ak PDG Charles Gershman ak tout eki li."

**Prezidan ak Direktè Egzekitif Jeneral Greater Rochester Enterprise la (GRE), Matt Hurlbutt, te deklare**, "Owl AI ap devlope nan Greater Rochester, rejon NY la pou eksplwate talan optik, fotonik, ak imajri klas mondal ak ekspètiz ki déjà disponib isit la.

Nou kontan pou konekte Owl AI ak divès resous esansyèl ki disponib nan Rochester pou alimante plan ekspansyon konpayi yo."

Pou plis enfòmasyon sou OWL AI ak opòtinite karyè, vizite: <https://www.owlai.us/>.

### **Akselerasyon pwogram Finger Lakes Forward**

Anons jodi a vin konplete pwogram "Finger Lakes Forward", ki se plan konplè rejyon an pou jenere kwasans ekonomik djanm ak devlopman kominotè. Plan ki fèt sou plan rejyonal la konsantre sou envesti nan endistri kle, sa enkli fotonik, agrikilti ak pwodiksyon manje, ak manifakti avanse. Kounye a, rejyon an ap akselere Finger Lakes Forward gras ak yon envestisman 500 milyon dola Eta a ap fè nan kad Inisyativ Revitalizasyon Rejyon Nò Eta a. Envestisman 500 milyon dola Eta a pral ensite biznis prive yo envesti plis pase 2.5 milya dola – epi plan rejyon an, jan yo soumèt li a, prevwa jiska 8,200 novo djòb. Gen plis enfòmasyon ki disponib [isit la.](#)

### **Enfòmasyon sou Empire State Development**

Empire State Development (ESD) se prensipal ajans devlopman ekonomik New York ([www.esd.ny.gov](http://www.esd.ny.gov)). Misyon ESD se pou fè pwomosyon yon ekonomi ki djanm epi k ap grandi, ankouraje kreyasyon novo travay ak opòtinite ekonomik, ogmante resèt pou Eta ak minispalite li yo, epi fè ekonomi lokal yo vin estab ak divèsiye. Gras a itilizasyon prè, sibvansyon, kredi taks ak lòt fòm asistans finansye yo, ESD ap fè efò pou amelyore envestisman biznis prive ak kwasans pou sipòte kreyasyon djòb epi sipòte kominate pwospè yo toupatou nan Eta New York. ESD se egalman ajans administratif prensipal k ap kontwole Konsèy Developman Ekonomik Rejyonal (Regional Economic Development Councils) la ak komèsyalizasyon "I LOVE NEW YORK", mak touris anblematik Eta a. Pou jwenn plis enfòmasyon sou Konsèy Rejyonal yo ak Empire State Development, ale sou [www.regionalcouncils.ny.gov](http://www.regionalcouncils.ny.gov) ak [www.esd.ny.gov](http://www.esd.ny.gov).

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)